

榴經堂類藁

籀經堂類藁卷第十六

晉江陳慶鏞頌南撰

書

復劉寬父侍御位坦書

寬父閣下辱書示所得深慰帖屬查林緯乾先生事蹟及
世系擢第年分數多歲月載更裘葛未及裁覆蠢愚疎懶
乞恕乞恕近投閒抵散適收書檢架上策并從友人假何
鏡山喬遠閩書載藻為莆人字緯乾曾祖元泰瀛州刺史
祖萬寵饒陽太守父披臨汀郡曹掾遷蘇州別駕贈睦州
刺史子九人葦藻著薦腴蘊蒙邁旣官皆御史司馬長史

藻少與歐陽詹刻意攻文貞元七年省試合浦還珠賦藻
成假寐夢見人語曰何不叙珠去來寤援筆修之曰珠之
去也山無色兮氣霧冥冥海無光兮空水浩浩珠之來也
川有媚兮祥風習習地有潤兮生物振振及擢第主司杜
黃裳曰叙珠去來有神助耶莆人擢第自藻始官至殿中
御史聞之登第始自藻而昌黎韓公謂閩越之人舉進士
繇詹始與此不同何也唐人多指鄉貢為舉進士觀愈自
言云貞元三年余始至京師舉進士愈登第實在貞元八
年與詹同榜而云三年舉進士者蓋指鄉貢而言也歐陽
詹有所恨詩則亦云余待試京師六年然則詹舉鄉貢並

在貞元三年藻雖後詹舉鄉貢而登第先詹一載則自當以藻為始而其實問之進士並不始於詹藻先是長溪薛令之舉中宗神龍二年進士唯後幾八十年無一與鄉貢故論舉進士自詹始而登第則自藻始九牧之數說亦互異陳氏直齋書錄解題云蘊父為蘇州別駕有子九人世號九牧林氏說與閩書同而以蘊所為父墓碑攷之八子為刺史司馬其一號處士是九牧并其父披數之而邵州集及睦州府君碑不言及處士而為刺史司馬者乃九子其季曰福唐刺史旣則何氏陳氏所傳聞異與宋李俊甫莆陽比事云唐林披一作丕字茂則一字茂彥子九人曰

韋曰藻曰著曰薦曰睦曰蘊曰蒙曰蓮或作與曰旣俱為
刺史號九牧林家或云旣為處士旣其父號九牧俊甫自
據閩中名士傳林氏續慶圖各書為言而于九牧之名迄
無定論及明林俊見素文集九牧公贊云福唐公旣睦州
第九子號四明處士初調京兆參軍春秋博士累遷福唐
刺史則號處士者即刺史旣是九子皆為刺史俊為披裔
孫有文名數典當不忘其祖然有疑者福唐本萬安縣今
為福清地唐名縣不名州舊唐書地理志唐書地理志唐
會要淳熙三山志皆言天寶元年改萬安縣為福唐開元
間置福州都督府領福泉建漳潮五州後以漳潮歸嶺南

為福泉建汀四州上元初為建汀劍漳泉福六州元和郡
縣志福建觀察使管州五為福建泉漳汀無福唐州焉得
有福唐刺史抑宋時文人多指福州為福唐福唐刺史其
福州刺史與姑存之以蓋闕藻弟蘊字復夢見唐書及黃
仲昭八閩通志諸傳記或作夢復非林大鼐編年紀略云
蘊小字已奴八閩通志云蘊號赤松皆唐書所未及載元
和姓纂蘊為江州判官兼監察黃滔集蘊為水部員外郎
林俊祭蘊文云唐忠臣邵州刺史故世稱蘊為邵州其遺
文有上宰相書三諭橫海將士一泉山銘一睦州刺史府
君神道碑文一宗譜序一續慶圖一答顏太守詩一過秦

松嶺詩一惟三書見唐書及唐文粹其餘皆散在他處至
緯乾遺文更不可得鄭樵通志藝文略直齋書錄解題皆
謂有文集然其書無存矣近世鄉人福鼎王君東嵐從趙
茂才文叔乞得邵州遺集并撫拾緯乾文字附為一書而
深慰帖未之見其手蹟更難乎其難今得之閤下豈非神
物呵護有所待而出耶便中乞將全文抄錄一分以為集
中補遺幸甚幸甚天寒唯珍重弗宣

答李子迪檢討先彥書

子迪閤下日前承問等韻雙聲之學未及詳說竊以吾儒
治書著之語言不若筆之文字所考尤實今卽以鄙見所

及并敷引前說為吾子訂商焉反切之學始于唐神珙其
實公羊傳有內言外言疾言徐言之讀已為反切權輿孫
叔然注爾雅音義是漢末人已作反語珙法以三十六字
為其母以每一母之第一字為其兄上字定位者以母統
子之理下字取音者以弟從兄之義上字固重下字尤嚴
由子得母因兄識弟隨字成音隨音得字如古紅切公字
卽古字知為見母之子卽紅字知為宮音之字則反覆其
詞曰古紅古公一展轉卽得本音之字晁公武讀書志曰
切韻者上字為切下字為韻三十六字母分唇齒牙舌喉
見溪羣疑為喉為宮端透定泥為舌為徵邦滂並明為唇

為羽精清從心邪為牙為角照穿床審禪為齒為商其序
由喉而出而次以舌以唇又返而為牙為齒也再次則為
二音之合而曉匣影喻之為喉牙合以合宮角也非敷奉
徵之為唇齒合以合商羽也來之為喉舌合以合宮徵日
之為齒牙合以合商角皆有自然之序存焉玉篇載四十
字母東方喉聲何我剛鄂訶可康各西方舌聲丁的定泥
寧亭聽麻南方齒聲詩失之食止示勝識北方唇聲邦龐
剝電北墨明邈中央牙聲更硬牙格行幸富客所傳與三
十六字唯定泥邦三字同耳而其餘皆異則知取音亦不
必一定其字然非審母無以得位非定音無以取聲則實

有不可易之道也雙聲疊韻之說廣韻卷首論云切韻者
紐以雙聲疊韻如東得紅切東得為雙聲東紅為疊韻夫
章移反支章為雙聲支移為疊韻其于言詞所涉矢口而
得關雎一詩參差雙聲也窈窕疊韻也由是言之同母為
雙聲同音為疊韻其說甚明今以五音圖考之宮一圖正
反居隆宮言居隆切乃宮字也到反宮閭居言宮閭切乃
居字也正疊韻居閭言居與閭皆魚韻字也傍疊韻宮隆
言宮與隆皆東韻字也正到雙聲居宮言居與宮皆同見
母字也傍到雙聲閭隆言閭與隆皆來母字也商一圖正
反書陽商言書陽切乃商字也到反商余書言商余切乃

書字也正疊韻書余言書與余皆魚韻字也傍疊韻徵里
言徵與里皆紙韻字也正到雙聲書商言書與商皆審母
字也傍到雙聲余陽言余與陽皆喻母字也角一圖正反
古岳角言古岳切乃角字也到反角伍古言角伍切乃古
字也正疊韻古伍言古與伍皆廢韻字也傍到疊韻角岳
言角與岳皆覺韻字也正到雙聲古角言古與角皆見母
字也傍到雙聲伍岳言伍與岳皆疑母字也徵一圖正反
陟里切乃徵字也到反徵力陟言徵力切乃陟字也正疊
韻陟力言陟與力皆職韻字也傍疊韻徵里言徵與里皆
紙韻字也正到雙聲陟徵言陟與徵皆照母字也傍到雙

聲力里言力與里皆來母字也羽一圖正反于矩羽言于
矩切乃羽字也到反羽俱于言羽俱切乃于字也正疊韻
于俱言于與俱皆虞韻字也傍疊韻羽矩言羽與矩皆麋
韻字也正到雙聲于羽言于與羽皆喻母字也傍到雙聲
俱矩言俱與矩皆見母字也以此推之十無一錯錢官詹
謂自有文字卽有聲韻虞廷賡歌股肱叢脞卽雙聲之始
吾友王萊友曰雙聲疊韻如茨疾黎也茨疾雙聲茨黎疊
韻之于諸也之聲諸于疊韻此最易辨唯人名物名
往往有不知者其爲人名如伊尹姜母王育譚長物
名如蟬螻唐犀鎡錡駒駘離嬰莖藟諸蔗詹諸鼃龜

榮蛇蝟齧阜蟠蛇蟠蟻鹿虎踰蛞蝓子子其為為事而言
如超超蹢躅彳亍峙蹢蹢觀連連諛謔糝糝戰拮据
儼儼贅贅酸瘠贅飡巧初移倚其為形容之詞者如壹壹
澤泆漂瀨颺颺稽椒磊砢娒娒娒姦姦顰顰麗麗虺虺
駢駢參差參差此皆復聲者也疊韻之為物名者如
裁薛附婁俾倪嬰娛嬰婉嫺嫺解廌委虎觶拏麗令鶯鶯
刁鷄鷄鷄鷄留鷄鷄鷄鷄鷄鷄鷄鷄鷄鷄鷄鷄鷄鷄鷄鷄鷄
蛟蜨蚱威蛸螭丁蛭蠶蟻堂嶺羸蒲盧夫龜蚰龜蝦蟇
螻蛄蛄蛄蛄稊稊稊稊稊稊夫渠齒蘭茅菟茹蘆玫瑰穹隆
鉅鉅鉅鉅鉅鉅鉅鉅鉅鉅鉅鉅鉅鉅鉅鉅鉅鉅鉅鉅鉅鉅鉅鉅

其為為事而言者如饅饅饅欺詒撫婁瀆叢斷契娑國
越騰崎區其為形容之詞如馭頤頤頤珍麟悵悵拘覲謫
詛譟諧誓譟委隨咄咄姿姪嫫姪化佳軟脊頤頤譟挈趨
趨屏遲安羅埃僇隗萃危岑崱嶰峩峩屢齧礮齧
品品璋銀鏗透迤啟陞漾莽沆漆沛榮寧潞潞燁燁爭
葦葦字披麗靡叢綢繆綺施旖旎襍繇畚窳窳窳窳窳
窳窳窳窳窳窳窳窳窳窳窳窳窳窳窳窳窳窳窳窳窳
闕此皆疊韻之可考者也雙聲同母疊韻同音同母以定
位卽見漢羣疑之位同韻以審音卽宮商角徵羽之音其
說易曉無庸致惑又承問東冬何以分為二支脂之何以

分為三竊惟韻同而部分者不獨東冬支脂之為然蓋韻部有一部一音者有二音四音者一音之部九曰江魚蕭有豪侵覃鹽咸二音之部十有六曰東冬支微齊虞灰真文寒刪先歌青尤四音之部五曰元麻陽庚蒸其音同而部分者如東與冬皆公弓二音也而分為二以馬槃什五音十三字首推之東之公宮合口呼而冬之攻從之東之弓羽撮口呼而冬之恭從之支微齊皆基規二音也而分為三支之基微齊齒呼而微之機齊之雞從之支之規宮合口呼而微之歸齊之圭從之真文皆中鈞二音也而分為二真之中微齊齒呼而文之中從之真之鈞羽撮口呼

而文之君從之此是以字多之韻難歸一部故因前此諸家各分為部而訂韻且如東之公百三十餘字而弓無端透四母精清五母之字冬之攻僅十五字而恭之字幾一百支部收字至四百而微部無端透以下十八母之字齊之圭亦無邦滂以下十四母之字真部收字至百有六十而文部無端透以下十八母之字其有存有汰非由陸續言劉臻以意為去取所謂我輩數人定則定矣要之論等韻不若講古韻自宋吳才老明陳季立為韻學開山至我朝而顧亭林江慎修戴東原孔鵬軒諸先生相繼講明古韻近段茂堂王懷祖張皋文江晉三尤深于古韻者也吾

子由等韻以推古韻其于諸家之說慎而存之掣而熟之
其于聲韻之學必有以步武先民鄙見所陳尚祈是正冬
寒雪少惟節宣弗具

與舒雲溪制府興阿書

雲溪制軍年大人閣下久未奉書依馳實甚月之二十日
恭閱邸報因逆賊竄陷武昌

上命四川總督陝甘總督各赴楚省交界合力追勦仰見
聖主恫瘝在抱知人善任使其為民生保固計者無微不
至敬維閣下義氣性成韜鈴素嫻此一出為

朝廷所倚資民人所屬望即在私忱頂祝奚旣查陝西與

湖北接漢沔隘萬過於商州一帶萬山攢簇其西為陝之
界安其東為楚之界陽犬牙相錯層巒疊嶂綿亘千數百
里實坤輿之奧區盜賊之淵藪故往史所載動曰南山盜
賊姑舉前明及我

朝約言之明成化時劉通蠢動於房縣其黨李原王洪王
彪擾及川陝非項忠討之於前原傑撫之於後則蔓延不
知底止正德間藍廷瑞偽號順天王鄢本恕偽號刮地王
起於保甯蔓延川陝非洪鍾彭世麟設計誘擒其蹂躪不
堪言矣其後在陝界者何冕嘯聚西鄉之星子山淡文省
盤踞金州之王莽山李三負固紫陽之高峰寨在川界者

劉烈為盜於保甯曹甫焚掠於營蓬喻思順竄擾於通巴
在是界者有荼毒郿西之楊文政巢竄房縣之王斌倡亂
巴東之黃中所在掠地劫民大肆屠戮元氣已耗而最不
堪其擾者則崇禎時之李自成張獻忠竊據三省之間殺
戮之慘從古未聞幸仗

太兵弔伐元惡伏誅而餘氛猶熾陝有劉二虎小紅狼分
踞興安甯羌川有姚黃十三家盜弄於保順達夔楚有黑
摧旗馬黨塔楊啓明竄屯於房竹大甯旋滅旋起直至康
熙二三十年漸次剪除而嘉慶之初又起白蓮教匪之變
最難撓伐合滿漢兵丁十餘萬征勦五六年之久不能奏

功然後用堅壁清野之議始能縛大憝於

關下嗣後有五狼之兵變將軍山之土匪不旋踵而撲滅
賴

國威正盛之時耳南山同在化日光天之下而何以好亂
若此實因土著之民十無二三湖南湖北之人居其五廣
東安徽江西之人居其三四五方雜處雖衣衿紳士之族
亦鮮有譜牒可稽其最易藏奸者曰木廂曰耳扒聚烏合
之衆而役之皆無賴也饑甚則食力稍飽則醉鬪姦賭無
所不至其人率無名以形之長短面之黑白光麻為名其
行皆由盟會非同胞族姓之次名行固不足據卽姓亦多

子虛在陝罪發則遁川在川罪發則遁陝吞舟之魚屢經
漏網則膽益大而心益野嚙匪則相從劫掠遇兵役亦相
幫搜捕游蕩旣久遂入於紅錢黑錢錢匪卽嚙匪也始於
西蜀散於南山其為首者曰帽頂暗言其為主也其次曰
大五小五暗言大王小王也又其次曰大老幺小老幺言
兄弟也以下曰大滿小滿其新入夥者曰姪娃娃將往某
縣指其官其姓曰趕某家場執械成羣藝精黨固地方官
法令稍寬則聚而滋擾查拏嚴密則去而之他鄉約保長
不敢正視少與為忤焚掠之殃立行報復晝擄場市夜劫
富民小則拒捕抗官大則搗竿謀逆而又有傳習邪教之

徒潛煽其間教匪憑而詐咽喉匪悍而狂教恃譁張之小術
咽喉恃殺劫之小勇咽喉匪盛則教匪為之謀主教匪盛則咽
匪為之先驅伏戎于莽實為隱憂況目前兩湖之避賊者
不知幾千萬人輾轉於南山一帶良懦者非常驚恐慄悍
者為之動搖不必賊匪竄入其間而已有不可終日之勢
昔東晉之後稱雄於蜀之李特卽由陝入川之流民也可
不慮哉為今之計莫若於商州一帶來岸堵禦招集南山
鄉民修寨團練仿前明盧象昇巡撫鄖陽行堅壁清野之
法咽喉教匪既不為嚮導賊匪自不能翻山踰嶺而來卽
來亦無所掠況南山之內各處山寨星羅碁布大者能容

數十人小亦容數百人擇其有險可阨者疊石為垣於山麓萬不失一此防賊由楚入陝之要略也至於出奇制勝大君子自有良謨耳言不盡意幸啓迂愚

與駱籲門中丞秉章書

籲門中丞年大人閣下近聞邸報悉榮署湖北巡撫篆吾道幸甚天下幸甚拯民塗炭在此一舉特武昌旣為賊據巡撫衙署一敗塗地

天子命於荆襄兩地酌量地方緊要暫行紮駐此誠

聖慮之周詳也竊計全楚之地襄陽勝於荊州與其駐荊州莫如駐襄陽何也

朝廷調直隸精兵及東三省勁旅自北兼程前進會合兜
勦布置嚴密賊勢勝則下江南賊勢敗則入川陝此情事
之必然者查武昌漢陽之西北徑抵襄陽水陸齊驅一過
襄陽東折則入汴梁西折則入長安其地實南北之咽喉
也現在武昌漢陽之間南東北三面籌備夾攻只空西北
一面則賊所垂涎者未必無意襄陽請以形勝言之武昌
者從古之都會襄陽者從古之要害要害之地我據之則
可以制賊賊據之則可以制我唐顏師古所謂在我為要
在賊為害者也春秋楚之興也以其滅鄢子之國而有襄
陽楚之亡也以北獻上庸於秦使秦人得開武關而南下

是武昌都會之命實懸於襄陽要害之地也自後南北之爭亦以襄陽為勝敗南人之必爭襄陽也漢劉表之踞荊州蒯越勸其北據襄陽向使劉瑤不舉襄陽以降魏則魏師安能乘勝而南下此南人失襄陽之害也東晉之時前有桓宣守襄陽繼有桓溫鎮襄陽而桓溫能以陳師灞上修洛陽諸陵柳元景得進據潼關而戰於峽下若非據守襄陽安能至此南宋初立趙鼎張浚輩所疾呼以圖固守者唯曰襄陽襟喉地也命岳忠武鎮之一時中興諸將稱開擴功者以岳為第一此皆借襄陽之形勝乃能立威於北者南人據襄陽之利也若北人之所必爭襄陽者苻堅

窺晉之初亦知命重兵陷襄陽執朱序矣若乘此浮漢入江順流而下桓冲將不知死所乃引兵歸去豈待八公山草木皆兵而後知其亡耶此北人失襄陽之害也魏武赤壁之敗倉皇已極宜其速歸許昌計不返顧矣乃命樂進守襄陽後周瑜諸葛亮竭盡心力而襄陽不可與爭吳蜀終不能越此以侵魏魏之所以制吳蜀之命者襄陽也隋之滅陳唐之滅蕭銑亦皆出師襄陽及元之侵宋晉必破襄陽而後南下故至五年之久不克不去旣破襄陽則阿里海涯以為漢水上游已為我有順流下驅宋必可滅自是果破郢破鄂勢如破竹數節以下無處著手此皆北人

失襄陽之害也。合觀古人之得失利害而謂全楚之命不懸於襄陽者，未敢信也。今卽賊匪無甚遠略，不能席卷襄郢，長驅河洛，而近日竄入黃州，則其東下江南，事機已露。我果以重兵據襄陽，扼武漢之上游，賊如分股東下江南，河南合兩路之兵，仰攻橫擊，而襄陽之師可以直抵武昌，埽其巢穴，賊卽全股東下，而襄陽之師更可繞漢水而南出，蘄黃以爲後勁，蓋駐襄陽其下游，非祇爲武昌計，而實爲江南計也。其上游非祇爲南陽計，而實爲川陝計也。宋名臣李忠定云：唯襄陽以接中原，西通川陝，又曰：天下形勝，關中爲上，襄陽次之。由襄陽而南，陽西折而入潼關，此

入關中之正道黃巢李自成之所由也自襄陽趨商州而
過武關此入關中之孔道漢高帝之所出也孰謂全楚之
門戶不扼要於襄陽哉若荊州為巴蜀通道亦荊湖一大
要害觀魏武之師方至江陵距江東二十餘里張昭輩竟
欲以全吳迎降蓋吳所恃為固者長江魏至江陵則長江
之險與我共之其勢不可遏也然荊州為入川之地其害
輕襄陽為入陝之地其害重入川則山重路窄破之易為
力入陝則兵足馬肥破之難為功且賊由岳州東竄未必
再行西折而荊州舊有將軍駐守尚可控制一方襄陽則
無大員彈壓萬一賊至此北而南陽新野西而商州藍田

出沒四散何以能當則荊州之與襄陽孰緩孰急必有能
辨之者閣下經緯在宵明昭徑寸兩利相衡必取其重諒
必早見及此無用區區獻愚然素叨摯愛敢以蠡測私忱
為高明瀆焉天寒起居勝常為頌倘蒙賜教朗照弗宣
復陸稼堂中丞應穀書

稼堂中丞年大人閣下屢奉賜書稽遲裁答踈庸特甚乞
恕乞恕日閱邸報知向軍門於正月元日追勸賊匪越日
克復武昌誠如是卽李愬之雪夜入蔡州狄青之元夜奪
崑崙何以異此但賊現據陽邏及漢鎮山等處遙揣賊勢
其下江南者十七八其上河洛者十二三兩江之九江安

公固不可不防而河南之光州汝寧尤不可不備也查陽
邏近豫之光汝其地卽在黃州西北百二十里元豐九域
志黃岡縣有齊安久長靈山圍風陽邏沙湖龍坡七鎮而
七鎮以陽邏為最險陽邏古戰場也明一統志載宋置堡
於此東接蘄黃西抵漢沔南渡江至鄂北據五關五關者
大城關在黃安北宋時屬河南汝甯羅山縣是卽元世祖
之所入也木陵關在麻城北接河南光州界是卽梁夏侯
夔出義陽之所拔也虎頭關在麻城東接河南商城界是
卽宋並珙集戰士以禦金人之路也白沙關在麻城西北
去光州僅二十五里是卽北魏鎮南將軍元英破梁將吳

子陽處也而黃土關接白沙亦在麻城毘連光州光山是五關皆與河南接壤宋李璽乞復五關疏云虎頭關形勢最險兩山千仞一澗激衝黃山關形勢聳峭白沙關與黃土關相去密邇木陵關山路峭壁委折而上大城關山勢不甚高峻而橫斜盤繞修善關卽在其旁元時巴延軍次漢口宋都統守陽邏元以史塔刺渾為總管進軍沙洲抵觀音山堡遂以破其後阿珠卽以雪夜乘舟至青山磯徑渡江假使宋知五關設險元兵何以能飛越而下今者賊由武昌潰出其大隊紛紛上船復以小隊屯陽邏論者皆以為勢必下江南然下江南固在意中而上河洛亦非意

外且安知賊非以疑兵指江南而以潛兵向河洛卽或分隊而出半在船半在陸則南北皆受害此又不可不慮者比讀閣下疏報前出南陽於桐柏鄧州新野內鄉淅川分支防堵業已周密則於南陽一帶可保無虞特今所慮者不在南陽而在光汝宜移節鎮守二州周視情形以為防禦之計仍飛咨湖北巡撫於五關扼要處重重密置防兵一夫當關萬夫莫禦則賊必不能北竄而大軍由安慶九江溯流而上用戰艦火攻併力追勦而我以伏兵為密應倘賊一來掩而襲之必使匹馬隻輪無反者夫出奇制勝督師之權也嚴衛設防巡撫之責也先發者制人毋制於

人蓋我無制賊之方則賊為負嵎之虎我有制賊之策則賊為游釜之魚矣迂談狂論越俎之嫌願乞鑒諒陽律春
四起居曼福伏惟霽照弗宣

經堂類藁卷第十七

晉江陳慶鏞頌南撰

讚 銘 說 策問 策對

賈門盧貞婦讚

附錄何氏說

盧氏貞女也其曰貞婦何在盧稱貞女在賈稱貞婦何言
爾盧母家也賈夫家也貞女從母辭也貞婦從夫辭也文
為賈氏著故曰貞婦也然則成婚矣乎曰未成婚也未成
婚則曷為謂之貞婦曰已歸謁賈氏之廟矣其歸謁賈氏
之廟奈何德州故相國盧文肅蔭溥有舊于故城內閣舍
人賈鈍夫銳以女字鈍夫之子曰汝愈汝愈歿盧氏年十

二聞之呼天矢靡他則惟曰我儀焉爾矣矢靡慝則惟曰我特焉爾矣既長問其志曰願長事吾親也久又曰願長事吾親也父母知不可奪憐而許之佐理母家政勤而有禮事母終喪如一文肅之晚而退也痿痺為祟侍湯藥色憂亦憂色喜亦喜于是年五十矣汝愈之兄子臻通籍翰林請于文肅迎氏歸乃執豆籩歸謁賈氏廟既迎歸則為賈氏婦矣壻沒而婦迎歸于禮有乎曰廟見如壻存用吉禮畢反喪服擗成踊用奔喪禮禮之未有者可以義起也其年以臻官遇

恩貤贈汝愈為文林郎翰林院編修氏為孺人從賈請也

先是臻有兄曰秬其父汝愚奉舍人命命為汝愈後五歲而殤至是臻復以次子啟立為嗣于秬子行也于汝愈孫行也為汝愈也孫者則為秬也子凡殤不立後秬五歲為無服之殤何以得立後為盧氏立也曷為為盧氏立汝愈卒十四歲亦中殤不得立後有盧氏則當立無盧氏則不當立何言乎有盧氏則當立盧氏歸成婦禮則汝愈亦責成人禮矣責成人禮有人父之道故得立也汝愈得為孫則秬得為子宗法上治祖禰下治子孫無無子而有孫亦無無禰而有祖秬既立為後矣是已承之也今來為後者亦當為其後禮之未有者可以義起也是秬亦有父道

子曰為殤後者以其服服之言殤無為人父之道不以殤者之為父而但依本服服此殤則是實與而文不與也曷為實與而文不與實者宗治之大者也文者禮法之隆者也與其為殤者子恩掩義也宗與殤者之為父義斷恩也然則有嗣孫無嗣子無乃不可乎曰小宗無子則絕大宗無子則不絕凡成人而死得立子孫為後不得立兄弟為後無子立孫仍當懸其位而旁敘以已所自出所謂與其廢而絕之毋若繼而存之為夫猶愈于已也子公羊子曰為人後者為之子仲嬰齊為兄後孫以王父字為氏譏其亂昭穆也然則無子立孫猶可立兄弟則不可也盧氏歸使

賈氏支祀二殤得以復存君子于是焉嘉矣道光十四年冬以貞孝狀上得

旨予旌建坊題名如例揚盛典也書曰貞婦尊賈族也

讚曰柏舟序詩共伯蚤死共姜守義此貞婦之權輿與夫子列諸鄘風之首而繼之以牆有茨然則敦勵人倫維持風化端賴此貞節之操南史紀衛敬瑜妻年十六而敬瑜亡父母欲嫁之誓而不許題曰衛婦貞義之門魏書紀盧元禮妻李氏至孝聞乎州里標罕盧二門號曰貞孝女宗盧氏知禮守義一醮不移于母家為孝女于夫家為貞婦宜當標賈盧二門以為風俗勸其邀褒封而受

禮典也君子曰可以風矣

門人光澤何氏秋濤曰取女有吉日而女死壻齊衰而弔既葬而除之夫死亦如之此禮明文也然則壻死女斬衰以弔既葬而除之禮如是而已盧氏守志不奪老歸于壻氏奠菜于廟立嗣子撫之若是者女也而執婦道非禮與曰禮之權也賢者之過也聖人嘗許之矣孔子刪詩于邶錄柏舟劉向以為衛寡夫人者

今本列女傳作宣夫人誤太平御覽作寡今以王氏補注

齊侯之女嫁于

衛至城門而衛君死保母曰可以還矣女不聽遂入持三年之喪畢弟立請願同庖終不聽衛君使人慙

于齊兄弟齊兄弟使人告女女終不聽乃作詩曰我心匪石不可轉也我心匪席不可卷也君子美其貞

壹故舉而列之于詩斯言也則未知其魯詩之說與

中壘之祖楚元王受魯詩故毛抑韓詩之說與中壘初殊朱錫鬯皆以爲魯詩說

詩多與韓詩說同故王伯申先生及馬氏皆疑中壘嘗治韓詩疑此爲韓詩說要以紀貞婦

自此始而首列于經故曰聖人嘗許之矣聖人既已

許之而又奚議曰非議貞婦也乃疑于立後而議耳

其疑于立後奈何曰貞婦之夫中殤也其舅爲之立

子矣旣歿而又殤今將爲貞婦立子則諸子中無其

人也將爲立孫焉則未知無服之殤之得立孫否也

曰斯事也禮與律異禮無為殤立後之制也喪服小
記為殤後者以其服服之注曰言為後者據承之也
殤無為人父之道以本親之服服之疏曰為殤後者
為大宗子在殤中而死族人為後大宗而不得後此
殤者為子也注云據承之者既不與殤為子則不應
為後今言為後者據已承其處而言也云以本親之
服服之云者依其班秩如本列也以上皆案曾子問
疏文
云宗子為殤而死庶子弗為後也是殤不立後之確
證故小記之為殤後鄭注不以為人後解之此禮也
由禮之說非特無服之殤不得立後即貞婦之夫之

中殤亦不得立子此為凡為殤者言之也非為貞婦之夫言也制禮者紀其常不紀其變據其經不據其權故不為貞婦立之制也律則詳之矣于例已聘未娶息能以女身守制應為其子立後是貞婦之夫雖未婚得立子非他未婚而天亡者比蓋有貞婦則夫婦之禮具夫婦之禮具則成人也非殤也喪服篇有為夫之姊之長殤之文夫之姊有長殤則夫之齒固未冠也既娶矣得不以成人禮治之乎律若曰為貞婦之夫者不當以殤待之此立子之說見于律者也至于貞婦所立之子復殤則例所謂尋常未婚天亡

者不得概為立後也于此亦有說以通其變乎曰有之例又曰獨子天亡而族中實無昭穆相當可為其父立繼者亦準為未婚之子立繼曰獨子天亡非專為貞婦所立之子言而貞婦之子亦在其中曰準為立繼雖不明言為若干歲之殤而上中下殤及無服之殤皆可立繼之義亦在其中故貞婦之夫之立子以成人禮治之也經也貞婦之子之立繼不以成人禮治之也重宗也戒齋昭穆也權也經權雖殊其本于律則一也夫詩以明風化之原禮以立彝教之則律則經世之大法皆不可背者也聖人之有取乎貞

婦也于詩既詳于禮奚畧蓋以未配守貞非恒情所
及立為定制則恐因死以傷生削其微言則慙緣情
以害義故詳著其事于詩而深沒其文于禮使知未
婚而夫死者不必一定守制其有能守志固亦聖人
之所許後聖有作可援禮以義起之說以昭成憲則
亦不患禮之未備也厥悒精矣愚故以為貞婦之立
後宜一依律文立子律也有殤子而立孫焉亦于律
不背也國家繼絕之典與旌善之義同條共貫恪守
之可也昔夫子作春秋所紀節女惟紀叔姬宋伯姬
二人紀叔姬以待年之媵而始終卒葬詳書于策蓋

深嘉之乃將于紀侯去國之後載叔姬之歸鄆而先
于紀侯去國之前著紀季以鄆入齊之文蓋叔姬心
乎紀者也不志紀季之以鄆則紀為齊滅疑叔姬之
無歸矣故書紀季以鄆存紀也幸叔姬之有所歸也
伯姬守節不見傳母不下堂逮火而死春秋書納幣
詳錄其禮以殊之今盧氏心乎夫家而其嗣不立將
無所歸故為立孫以繼之亦春秋之志也奚疑焉

題呂西村髯可我我圖讚集易林語一

文山紫芝溫山松柏和氣所居欣喜顛懽樂我君子德義
洵美引髮牽鬚與福為市衣冠立中莫依為輔從容長閒

遨遊仁宇入門上堂動作有光金泉黃寶富如殿倉黃帝

神明倉皇奉使之崔瑗草勢一契為文開基日中為市黃帝

史倉頡古文禹作神鼎金梁鐵柱南山會稽天之奧府夏碑解

釋鉤帶炙魚銅斗商伯有功授我龜紐商鉤文鳳凰銜書周

國茂興玉杯天授輒有莊增周火籒乃見宣室生育賢人

魴鯁訓訓膠鼓作仁石鼓文丞相命駕嵩高岱宗知秦興起

諷德誦功秦丞相斯作王孫季子分為兩豎八字分形象藏在蘭

臺神明所住秦王八分仲下即萬里心獲所守贊為隸圖各

有配偶秦下却人程漢臺為泰封禪巡狩典策法書不失

其守西漢循徵詣黃門章虎炳文簡易理得喜來如雲漢

劉季發怒張子馳說知耗滅寡虛羅張目列後

劉伯英作草書隨時轉行書得我美草辭佶梁滅文懽以

相保不宜杜一作林公莫適所與衛子善辭不知迹處杜

林衛密以來賴其天幸靈輒以存邯鄲反言駕入喜喜門

古衛文滅絕自杜曹喜善篆邯鄲復著曹伯愷悌曹喜更相談詢明

堂太學白虎推輪石經鮐生淮邵賈鮐著雄處弱水楊雄訓

纂經棗整聖一作冠袞微復起南循汝水汝南許渙然冰釋

灌頤龔同徒注斯李斯膏澤頤篇高趙高越邑具在玉歷盡已

君贊其明舉手循理趙高爰利以博取懷胡胡母德音

疑當否實勞我心胡母敬博學篇口以上駕黃胡黃取消

如相如馬史游急就章司觀

樂太史配合相迎黃帝所直日益章明許書叙云叙

播造禮禮雅言孝平時微禮等令善賈賈達息資許氏師

五經六紀見孔聖師許書敘云孔子書六經皆部衣依在

位不破不缺唐國大安乃徐小有說如字南唐時人大斧

所視六體不易左指右揮使石潔白西望華首東上泰山

東山西岳大得意還先作卓斯以思麟鳳成形非和氏寶

秦所為李無以供靈小篆入思初道古小大相保陳倉雞鳴

在陳本與以為寶篆入大倉黃不勝黃為古文書鵠起

追求抱其葬器冠帶南游鼎文鍾科一作得其幾鈎刀攻

王大尾小頭相與合屬

奇科斗

冊書之信累累俱在封居河

間

河間獻王得古文諸經

俱歸北海

北海鄭康成為漢經師

延陵說產顏淵問

騫樂我嘉友甘露醴泉安息康居嘉禾之國

嘉禾為嘉禾門

遂至

東萊呂嘉禾有得

戊子冬余到廈門訪西村同年見其酷嗜金石篆畫精

礪心焉好之別後念益深于是十四年矣今計偕來都

獲叙前歡余近日同有是癖但徒好而不能書西村則

于此折三其左篆隸皆名於世歡談之下至於忘味既

而以所畫小照顏曰驛可我我圖屬余題因適讀焦氏

易林書繆綴語成篇并誌船字始末竊謂今文家說春

秋有三科九旨之例余于金石亦然何謂三科

國朝自顧亭林先生出以金石證經史字學經學皆大治是為所傳聞之世嗣後錢宮詹辛楣王司寇述菴各有成書是為所聞之世近儀徵相國提倡宗風海內之業于斯者輒以專吾友西村學古人得其意筆是為所見之世何謂九旨字之體勢則以黃帝史倉頡所結古文為一旨周宣王大史史籀所結大篆為二旨籀文為三旨秦始皇丞相李斯所作小篆為四旨秦上谷羽人王次仲所作八分為五旨秦下邳人程邈所結隸書為六旨

墨池編八分或篆之半隸又漢黃門令史游所作

章草為七旨後漢潁川劉德昇所始行書為八旨後漢徵士張伯英所作草書為九旨書法至隸一大變然猶存製字遺意其餘則等諸自鄒以下考古之家內分隸而外行楷內古籀而外分隸西村山隸入篆由篆入古籀則猶春秋進霸而王之意也夫鄙陋之譚高明商之以為何如時道光二十有一年正月上元書于京邸之實事求是齋

祝詒庭太守行樂園讚集易林語

東風啓戶日出溫谷獲福大株常茂不落西望華首南循汝水衣冠立中樂我君子若三龍光景星照堂五神含室

五人兄弟天永吉昌孔懷如玉歡悅相保萼萼紫芝朱

草甘棠聽斷民戴為父善政得祥為國翰柱載游東齊

濟南頌聲並作祝伯善言德音孔博積善有徵大福允興

升擢薦舉保舉榮譽日登湛露之歡鶴鳴彈冠神異興起

進士為官溫山松柏朝陽梧桐鸞鳳以庇福祿來同福祿

彌厚使君壽考春桃生華鳩杖扶老荀伯遇時結嗣字超

拜福祉跪進頌策欣然嘉吉嘉樂有得長生无極引髯牽

鬚受福千億

韓魏公遺像贊

魏公聲滿天下為宋名臣史稱入第時太史奏五色雲起

為一時佳話而不知降生泉州初誕時泉山鳴如玉磬者
三日厥後蔡文莊公降世亦如之餘不多見二公皆從祀
廟庭於以知賢哲挺生間世一出天亦示其異輒應以休
嘉其遺像石刻久埋在上中道光初年始於泉州城隍廟
後掘地得之周芸皋觀察為重繪其像染以丹青數百年
神物復出謂非學者之厚幸哉淶琴刺史魏公嫡派也來
尹是邦徧訪始得之古忠獻堂府署命畫師繪以歸將以
是懸之家祠中俾朝夕瞻仰其亦凜然於高曾法守而跬
步不敢忘者矣贊曰

顯魏公篤生泉國玉磬山鳴天蔚其特樹功立勳輔翊

宋室初倡傳臚雲生五色判司度支簠簋必飭宣撫鄜延
濬民溝洫財以是豐盜以是息畫策西師戰無不克退契
丹兵彌元昊賊維時定謀威行邛笮鼎立而三仲淹與弼
繼節武康勁冠河北有弓在彀有劍在韉維時安邊墾田
治埴乃同平章入為樞密建儲定勳尊君以德滿朝武文
羣服其識先後賑民活者萬億鋤佞詰奸去其蝥賊左滬
右洙公論正直肯護青苗隨同剛愎旋乾轉坤泉蘗契稷
宜乎明禋享祀不忒從以廟庭為萬世式

黃文簡公遺像圖贊

吾泉為海內人文淵藪有明一代相繼為宰輔者史不絕

書而闕科鼎甲則始自黃文簡公其後駢肩索跡踵於朝
稱極盛焉考公以嘉靖戊辰及第第二人歷官隆萬仕至
尚書其為人平易忠厚狷介謹嚴不設為道學之名學者
愈欽仰之其遺像藏於家數百年尚完具無恙古人所謂
名壽金石者并其遺像而亦與俱壽矣爰綴數語題於幀
而為之贊曰

維遯泉山人文蔚起有明鼎科自文簡始中秘校書授小
內使奉敕纂修傳經中壘萬化志舉相與為理進修實錄
世宗本紀旋充經筵會典告梓裏校春闈滿門桃李何哉
江陵從陷吉水鄒氏元標竟蒙雪恥祭酒南京禁絕包匭

私謁無門克修簞簋北監司成興賢訓士校十三經篤述
牘繁啟聖闢聰銘孟銘机進少宗伯整物率已屢上諫章
為董狐史疏請建儲批鱗自矢少宰兼官彌觸獬廌式綜
生平言行礪砥乃賦興公退居田里竭力事親進厥滫瀡
燕翼有謀教誨爾子起為尚書靈承帝祉種菊陶園拜而
弗履壽考以終福祿攸止錫以祭葬帝有恩旨壹惠尊名
公功克教繼世詩書衣冠濟美仰公明德馨香世紀公貌
巖巖淵停嶽峙後之來者曷勝仰企

潘理齋先生世瑣遺像贊并序

余近讀理齋先生不遠復坐遺書薈萃儒先粹語輯為成

編知其致力於程朱之學而不為習俗所囿矣茲詰嗣順
之補之復以先生遺像屬題觀其貌巖巖而峻肅肅而溫
約為儒者氣象先生自乾隆乙卯登上第仕於朝凡六年
以母憂去遂杜門不出庭侍垂三十年朝夕未嘗左右離
凡有益於族庇於鄉皆踵成之無毫髮憾故民至今猶嘖
嘖稱潘善人弗置則先生之學之有以積於躬而其德之
有以及於世宜乎其後之久而彌光也乃為之贊曰

居敬窮理精行而充養吾浩氣秉粹含盅循陔采蘭孜孜
誠養任恤睦姻躬行仁讓高掇鼎科矯然飛隼仍把萊衣
權作華家施於有政努力崇德衛道門牆為斯世式鄉賢

常祀俎豆莘莘卓哉孫子威鳳祥麇

見古閣圖贊并引

癸丑秋吳縣潘生祖蔭以友人程君揖衡見古閣圖索題
前幅鮑君桂生為之序其畧曰嵇生放鶴天空與飛杜老浣
花春深始豔俯吳江之一綫有高閣之巍然傑構雲爭孤
懷風盪李北海之嗜古藝圃無雙米南宮之臨摹人間第
一遂續武梁之刻月為文苑之珍第見修上而趨下德盛
而貌愚古劍三尺象環五寸是為古聖賢丰姿霞舉意氣
秋高矯矯然如白鶴當空設設然如孤松挺嶺是謂古豪
傑氣清以舒形規而矩奉之如周秦古鼎望之如秦岱高

峯散笏金珍朝衣塵浣是謂古大夫燕頤虎頭雄姿英氣
麟閣之十有一人龍驤虎變雲臺之二十八將緩帶輕裘
是謂古將帥若夫林宗折巾孟嘉落帽無軒冕之塵蓋有
泉石之風清六逸沈酣蛙官私隨其位置七賢放曠雲出
人盪其心宵亦佛亦仙不衫不履是謂古隱逸夫得一二
人於塵海金石不渝况聚千百世於塲堂竹絲並奏穉蘅
於此左顧右盼前仰後鑽宗少文之卧游曾南豐之心祝
如縱舟於大壑任其所之如賃錦於五都奇不備快矣
哉余覽其圖誦其文知程君風雅人也續為之
具區之津練水之曲嘉蔭蒼蒼數椽老屋中何所

甄鹿傳孝閔曾授經鄭伏昔聖昔卧威儀穆穆相與觀夏
訪碑嶽麓相與觀周辯鼎邾邾相與適魯廟堂禮服漢武
梁祠琳琅滿目雲臺凌煙合為一幅有霍有韓有頗有牧
有杜有房有汾有涑昌恭我講昌發我韜南顧瘡痍殄此
騰蜺偉哉高人卜云其築靈沒躬修時還我讀學篆師邕
拜經受腹

張誠齋提帥廣信海上觀濤圖讚

維漢之良維唐之說儒將衣冠英風烈烈萬里提封自閩
及浙海上觀濤秉旄持節有熊其批有鯨其截指日搏桑
天風朗徹童子依依牽衣舞裾四望軒然卓立石碣

石研銘為張石州穆

鎮呂鼎性其剛其尻面其方不瓶不溜食厭墨濡黔皴
黧而不損其斲實之烏釐呂為惠坊

漢平津侯鏡銘為呂西村世宜

正爾容敬爾躬厥封六百五十戶爵關內侯位在三公胡
食一肉脫粟飯以布被為幘幘宜汲黯規之以警臣工念
當年甘露降朱艸叢澤不涸山不童鏡其準諸河洛龜山
採來首山之銅三商幽涑以為磨礱故能秣千百年塵藴
土掩而其光熊熊今通呂子蓋天所呵護留以照人物之
雌雄

桂林府說

余少應鄉試與諸同人論文訂交取卻說桂林一枝語寓瀛洲十八學士數題其譜曰桂林於今三十有三載矣因筮仕內朝持英蕩回里諸同人請為文以紀之伏思前明幾社復社興聲氣聯天下經術文章忠臣孝子義士之倫於是出朋黨之禍亦於是烈學者患之不復為社然以文會友以友輔仁朋友之道壞文無由會其如仁何記曰獨學而無友則孤陋而寡聞君子知之汲汲於講習是求取象兩澤相禰曰兑然好事者流遂起而為登壇以執牛耳誓誥不及五帝盟會不及三王士而藉盟以伸風斯下

矣則惟得一二知己者講學是謂出交有功入閑潛修如是死虞死咎死譽然擇焉不精慎焉不早始而如膠投漆繼則相傾相軋遂至鑿枘不相入亦學者之大患也然則社不可為也友不可廢也要不可忘也如之何而後可朋之盍曰簪簪古文先首筭也示固結也京作擗亦綢擗之意焉作臧善也言謀之其臧也荀作宗因之而可宗也虞作戩訓為疾朋盍而疾來也必如古人之簪盍斯為世者風今存其所是去其所非假府為之府猶舍也與社異字見孰季盤从广从射广屋也射為人持弓以守屋通作榭春秋宣榭是也亦作謝詩是邑是謝謝于誠歸孟子序者

射也禮記射之為言者繹也或曰舍也射舍序繹皆一聲之轉別作豫禮豫則鉤楹內鐘鼎文作矦以矢守舍如以弓守屋舍小篆府大篆故从府念昔連吟風雨少年意氣洋洋甚自得其積歲既遷升沉顯晦各不同俯仰興懷益增離索之感然皆無疚於世或從而顯諸其子孫蔚然繼起其仕者宦游四方出為霖雨其未仕者皓首窮經猶孳孳為善不失而澤講習之誼異日圍而聚之為洛陽耆英香山九老亦藝林佳話也

策問五篇

問虞書定時成歲必以閏月古用四分法布算其法奚若

日行取多月行取少其一歲閏率凡幾漢志言中朔相求以六劫之數為閏其術何在易稱五歲再閏以七閏推之有二次能舉其數否七閏一章積十九年氣朔分齊尚有餘分否周髀算經章蔀之數與漢志章蔀紀元其義有異同歟四千五百六十年為元而三統法多五十七年何歟春秋置閏以常法求之當九十閏而合經傳推校何以祇八十七閏見於經者二見於傳者八而杜注以為門五日之譌者何年能舉而詳辨否自莊八年至昭二十年其閏八月者有六以夏正核之卽閏六月也可悉引而更正歟禮月令言王居門中逸周書言斗指兩辰以及秦不置閏

漢襲秦朔皆其間法之可考者也推步為治經者所不廢
由藝明道其以素所誦習者著於篇

間讀史者必正其是非考其同異史記五帝本紀郁郁疑
疑索隱以為郁作神疑作侯所漢何太秦本紀飯土塹啜
土形李斯傳塹作圜形作劍詔司馬自序形又作刑塹又
作簋其義何歟前漢書王子侯表最侯歟侯師古注以為
或字然歟郊祀志設射不來卽經言不來能通其義歟後
漢書文苑傳庾桑瑣隸風移礪礪果作何解續漢書輿服
志知天冠述瑋瑁為摘果為何制三國志青龍二年乙未
景初二年癸丑或引作己未己丑者何書晉書傳一人而

重見宋齊梁三書一事而互異南北史行而八書廢其義
例又兩岐何歟魏周比齊諸書殘缺者何篇舊唐書複糾
者何傳新書糾繆凡幾條五代史纂誤凡幾事宋史疏舛
其可引而舉正之歟哉

朝史法遠邁前代諸生稽古有素其條舉之毋隱

問金石之學與經史相表裏河南嵩嶽伊洛石刻侈于他
州其見于漢者太室少室二闕可辨凡幾字嵩字作崇與
班固地理志韋昭國語注異同若何開母廟石闕銘文多
別體而亦有合於古者能明辨否堂谿典字季度而碑稱
伯并孰為正熹平石經洛中有尚書論語殘字其異文如

盤作般簡作簡此外尚可臆舉否開熹韓仁銘奉字何音
豫州尹宙碑福字何假比干銅盤銘或謂殷永康鏡銘或
謂晉能稽其人與其世歟魏之帳構銅銘字造之者何式
晉之太公呂望表立之者何人六朝字漸變體而嵩陽寺
碑濺作潑石象銘泐作悉猶存古字古義其詳悉之唐彌
勒像記之櫨叢果本何書紀功碑之槌埴當作何解伊闕
三龕記外尚有左右二銘其文奚若至濟瀆之當名流水
大岨之非在濬縣則尤當援古書以糾唐刻之失者士王
是邦幸際

盛世盡鈎稽而詳說焉

問漢興魯齊韓詩並行而毛獨後出故言詩者祖三家藝
文志所載各詩故若干卷魯詩以關雎為康王詩而世說
又傳周公作孰為正訓孰為次訓石經殘碑存者凡幾字
出車南仲與常武南仲為一人為二人以畜寡人畜訓孝
其說何據秦離詠衛大車詠息其訓可明徵歟齊詩篇第
異於毛者何在四始五際世次尤確能推演其義例石韞
任朱離屬何篇下國駿駝當何解地理志引子之營其果
卽齊轅固之詩歟肅望之匡衡伏湛皆齊學其微義尚有
存否韓詩留傳最久金罍之訓較毛為優朱官之解與魯
互備漢廣汝墳雞鳴夫移賓之初筵諸序散見何書外傳

言野有蔓草衡門義皆正大能恭觀而互證歟或疑三家詩無七月能舉而較之歟夫毛詩之有三家猶左氏之有公穀故許謨說文諸家並採鄭注禮而外箋毛亦多用之士生逢

聖世實事求是盡詳述以對

問鄭注周禮九數有旁要夕桀二義何解周髀算經言積矩之法其卽句股所從出歟七衡六間用以測天能通其義否三統術東九西七差分之數何若中月相求六朞當為七朞然歟劉徽注九章綴重差於句股其術凡幾甄鸞注孫子五曹夏侯陽張邱建算經又傳五經算術其義例

可備舉否開差幕開差立又設密率為圓徑一周三一四
或謂當得三一六果精于祖沖之歟王孝通緝古二十術
果能發明商功之說歟立天元一法自秦九韶發之為李
冶所本測圓海鏡益古演段所未詳者何在四元玉鑑以
焚草形正負可推究其微否西法四率三角八線借根方
其與中法有異同歟抑疇人子弟分散而彼得其傳歟
皇上學貫天人深探理蘊多士涵濡有素盡悉陳之無隱
小學策對

小學之書有三形聲義是也聖人之造字有義以有音有
音以有形學者之識字必審形以知音審音以知義字義

之書為訓詁爾雅其最著也鄭康成駁五經異義曰爾雅者孔子門人所作以釋六藝之言蓋不誤也康成箋詩有毛傳所未及者如陳錫哉周鄭箋訓哉為始與釋詁合君子攸芋毛傳芋大也鄭箋芋當作撫蓋本釋詁撫大之訓而改字也此與毛傳異而與爾雅同也釋地以下至九河皆禹所名而九州不與禹貢同者詩疏引孫炎云爾雅九州之名禹貢有梁青無幽營故疑爾雅為殷制耳李巡郭璞皆主此說而賈公彥謂禹貢所云堯舜法爾雅所云似夏法則又望文生訓者也王充論衡是應篇曰爾雅之書五經之訓而郭注庾底下引國語庾久將底涸竭下引國

語水涸而成梁正月為陬下引楚辭離騷孟陬尼下引尸
子悅尼而來遠所謂兼采國語楚辭諸子書也華陽國志
引楊雄云典莫大於爾雅作方言是方言仿爾雅而作故
郭氏多引以為證劉熙釋名有與爾雅異者如爾雅齊曰
營州而釋名云齊衛之地爾雅石戴土謂之崔巍土戴石
謂硯而釋名則土石互易與毛傳合與爾雅異張揖廣雅
十卷則皆爾雅所不載者觀其自序曰擇擇羣藝文同義
異者轉失讀八方殊語庶物易名不在爾雅詳錄品數以
著於篇凡萬八千一百五十文是也字形之書為文字說
文其最備也始一終亥五百四十部九千三百五十三文

重一千一百六十三又有五音韻譜之本李燾自序曰南唐徐鉉著書四十篇總名繫傳蓋尊許氏若經也雍熙三年鉉兄鉉初承詔與句中正葛湍王惟恭等詳校說文今三十卷內繫傳往往錯見先是鉉令錯以切韻譜其四聲以便檢尋鉉又為錯篆名曰韻譜凡小篆皆畧存注釋其不注者皆重文其注史者籀書注古者古文乃自五音韻譜行而篆韻譜廢矣但書序又稱說文中古文籀文以為呂忱所增不知叔重自叙謂今敘篆文合以古籀非待增蓋全書中皆先小篆後古籀其有先古籀後小篆者皆由部首之故如以帝旁字從二必先立二部曰古文上使其

屬有所從此變例也。封演聞見記謂呂忱更按羣典搜求異字，撰為字林，然則忱所補者書非一體。有說文本無而增之者，如五經文字所云「祧禰逍遙」是也。有說文本有而文各異體者，如說文作「𧈧」字，林作「𧈧」；說文作「𧈧」字，林作「𧈧」。說文作「𧈧」字，林作「𧈧」是也。叔重序又自稱書孔氏而所引有在二十八篇之外者，如心部引商書曰「以相陵憊」，心部引周書曰「宮中之允食」，心部引周書我有載于西，則其為逸書之文可知。玉篇分部五百四十，與說文同，而部母有更易。又改篆書為隸書，故所收字亦多於說文。類篇分五百四十三部，以集韻所收字為本，然比集韻少三百六十。

字彙集韻併重文計之類篇則不計重文也夫集韻爲音之書而自集韻以前則有切韻唐韻廣韻王應麟因學紀聞曰隨陸法言爲切韻五卷唐孫愐有唐韻今之廣韻則景德祥符中重修今人以三書爲一或謂廣韻爲唐韻非也集韻韻例曰陳彭年邱繼因法言就爲刊益蓋二百六韻實法言區分舊目故廣韻卷首猶題曰陸法言撰本法言韻既經郭知元關亮等九人增加更有諸家增字孫愐亦九人之一耳廣韻在集韻前而上七聲末六韻與集韻同而與平聲入聲齒語自是後人誤本蓋廣韻元書當如才老韻補作五十二韻五十三韻五十四韻而同用者

又有吞范三韻亦猶平入之以六韻通為三韻也廣韻注
可資引據者多而傷於冗漫者亦不少如東下舉複姓十
三氏引東宮得臣則其謬也廣韻已分上平聲下平聲丁
度撰集韻始作平聲一平聲二平聲三平聲四禮部韻畧
亦丁度等撰所附釋文互注貢舉條式乃南宋坊本又有
增修互注本宋毛晃增注其子居正重增即諸書所稱增
韻者也黃公紹古今韻會曰江南監本免解進士毛氏晃
增修禮部韻畧江北平水劉氏淵圭子新刊禮部韻畧互
有增字舊二百六韻劉淵始併為一百七韻是也夫不知
聲音文字之原無以明訓詁不明訓詁無以通經有志經

學者其可不於小學之書沈研鑽極哉

四

福經堂類葉卷第十七